



Usurbilgo Udala

**USURBILGO OIARDO KIROLDEGIAN KIROL JARDUERA FISIKOA ETA UR SOROSPEN
ZERBITZUA KONTRATATZEKO
ADMINISTRAZIO-BALDINTZA ZEHATZEN ORRIAK.
PROZEDURA IREKIA**

I- KONTRATUAREN EDUKIA

1.- KONTRATUAREN GAIA

Kontratu honen objektua da Usurbilgo Udalaren Oiardo Kiroldegian kirol jarduera fisiko eta ur sorospen zerbitzua ematea.

- Kirol zerbitzuak: CPV 92600000-7
- Ur sorospen zerbitzuak: CPV 92620000-3

Kontratazio hau zerbitzu-kontratu administratibo gisa gauzatuko da, Sektore Publikoko Kontratuen Legearen Testu Bateginaren azaroaren 14ko 3/2011 Legegintzako Errege Dekretuko 10. artikulua xedatzen duenaren arabera, eta arau bereko 301. artikulua eta hurrengoek arautzen dute.

Bi zerbitzuak SPKLTB-ren II. Eranskineko 26. kategorian kokatzen dira, eta hortaz, ez dira erregulazio armonizatukoak eta ez dute klasifikaziorik behar (SPKLTB-ren 65.1.b artikulua).

Hala ere, Kontratazioari buruzko helegite berezia jarri daiteke, 30. klausulan zehaztu den moduan.

2.- HAUTAKETA ETA ADJUDIKAZIO PROZEDURA

Zerbitzuaren kontratua adjudikatzeko prozedura irekia izango da. Edozein enpresarik aurkeztu ahal izango bere eskaintza, negoziaketa modu oro bazterturik geratuz, SPKLTB-ren 157 artikuluekin bat.

3.- KONTRATUA BURUTZEKO EPEA

Prestazioa emateko epea guztira izango da BI URTEKOA, kontratua sinatu (aurreikuspena 2016ko abuztuaren 21a) eta hurrengo egunetik hasita, eta berariaz eta elkarren artean adostuta luzatu ahal izango da urte bateko beste bi epez, baina iraupena guztira ez da izango LAU URTE baino luzeagoa.

4.- KONTRATUAREN PREZIOA

Eskaintzak zerbitzu bakoitzeko prezioaren arabera egingo dira. Ondoren zehazten dira zerbitzu bakoitzeko gehienezko prezioak (BEZ-ik gabe):



Usurbilgo Udala

- Kirol jarduera fisikoko zerbitzuak: 27 euro/orduko (%21 BEZ barne 32,67 euro/orduko)
- Ur Sorospen zerbitzuak: 25,50 euro/orduko (%21 BEZ barne 30,86 euro/orduko)

Kontratuaren iraupenerako aurreikusitako ordu kopuruak honako hauek dira:

- Kirol zerbitzuak: 3.500 ordu
- Sorospena: 3.500 ordu

Hortaz, urte oso batetarako gutxi gora behera estimaturiko kopuruak dira, BEZ-ik gabe, kirol zerbitzua 94.500 euro eta sorospen zerbitzua 89.250 euro, hau da, denetara 183.750 euro (%21eko BEZ barne 222.337,50 euro).

Guztira, lehen bi urtetarako aurreikuspena, 367.500 euro dira. % 21eko BEZ-a 77.175 euro izanda, 444.675 euro estimatzen dira.

Luzapen guztiak kontuan hartuz, lau urtetarako kontratuaren balorea BEZ-ik gabe 735.000 eurotan estimatzen da (horietatik 378.000 euro kirol zerbitzua eta 357.000 euro sorospen zerbitzua). %21 BEZ 154.350 euro dira, hortaz guztira, BEZ barne, 889.350 euro.

Edozelan ere, ezin da zehatz kuantifikatu kontratuaren prezioa, izan ere, plegu honetan adierazitako hitzetan, sortzen diren beharren arabera denez, ez da bermatzen zerbitzua ematearen trukeko kopururik. Egutegia plegu teknikoetan zehaztutakoa izango da.

Prezio horretan sartuta egongo dira kontratuaren ondorioz sortutako gastu guztiak.

5.- FINANTZAKETA

Kontratuaren prezioari aurre egiteko aurreikusita dago indarrean dagoen aurrekontuko "1.4300.227.341.00.04 kirol zerbitzuak" kontu-atala.

6.- ORDAINTZEKO MODUA

Ordainketa hileroko faktura bidez egingo da, behin faktura aurkeztu eta zerbitzuko arduradunak faktura egiaztatu ondoren. Fakturan ordu kopurua zehaztu beharko da.

Faktura onartu eta gero, Azaroaren 14ko 3/2011 Legegintzako Errege-Dekretua, Sektore Publikoaren Kontratuen Legearen Testu Bateratuaren 216. artikuluan legez aurreikusitako epeak izango dira gehienezkoak. Edonola ere, Udalak lehentasuna emango dien faktura hauen ordainketei eta hileko lehen 5 egunetan ordainketa burutzen saiatuko da.

Dena den, Udalak baldintza orrietan zehazten den zerbitzu osoa jasotzen ez badu, Usurbilgo Udalak ez du konpromisorik hartzen zehaztutako kopuruak oso-osorik ordaintzeko.



Usurbilgo Udala

7.- PREZIOAK BERRIKUSTEA

Kontratu honen prezioak berraztertu ahal izango dira, sinatu zenetik bi urte igarotakoan, Sektore Publikoko Kontratuen Legearen Testu Bateratuaren 89tik 94 arteko artikuluetan xedatutakoaren arabera. Berraztertzea dagokion edo ez, eta kasu horretan aplikatu daitezkeen prozedura eta indize espezifikoak, arauz onartutakoaren artean kontratu honetako kostuen eboluzioa egokien islatzen dutenak izango dira. Prezioen berrazterketa onartzea dagokion unean berrazterketa hori egiteko dauden kasuak onartu barik egonez gero, bai eta aplikatzekoak diren formulak ere, ez da prezioen berrikuspenik egingo.

8.- BERMEAK

Hilabete bateko epea ezarri da, kontratua amaitzen den egunetik hasita, berme gisa ezarri dena, Sektore Publikoaren Kontratuen Legearen Testu Bateratuaren eta Lege horren Erregelamendu Orokorrean jasota datozen ondorioetarako.

Garantia epean kontratistaren kargu joango lirateke lanetan eta egindako prestazio guztietan ager daitezkeen akats eta ikusiezinezko akats guztiak.

9.- KONTRATUA BURUTZEA

Kontratuaren jabeak bere gain hartzen ditu kontratua burutzeak dakartzan arriskuak. Ezin izango da zerbitzurik azpikontratatu.

Kontratistak, zerbitzua antolatzerakoan eta ematerakoan, zehazki bete beharko ditu orri honetan jasotako baldintzak eta agindu teknikoen orriko espezifikazioak. Gainera, Udalak zuzenduko, ikuskatuko eta kontrolatuko du zerbitzua, eta horrek idatziz zein ahoz gauzatuko ditu eskumen horiek.

Kontratista izango da egindako lanen eta emandako zerbitzuen kalitatearen erantzule. Kontratista izango da erantzule, baita ere, kontratua betetzean ez-egiterik, akatsik, egokia ez den metodorik edo ondorio okerrik sortzen bada, eta horrek ondorioz eragiten badie Administrazioari edo hirugarrenei. Kontratistak beharrezko langileak kontratatu beharko ditu.

Kontratuaren jabeak arduradun bat izendatuko du, kontratuaren jabearen eta Udaleko langileen arteko harremanak zuzenean koordinatzeko. Udaleko Zerbitzu Teknikoen eta kontratuaren jabearen artean egin behar diren bileren kopuru eta maiztasuna eta erabili beharreko informazioa Udalak zehaztuko du. Era berean, Udalak informazioa bildu eta esleipenduna egiten ari den lana gainbegiratu ahal izango du. Esleipendunak kontratua behar bezala burutzeko beharrezko diren zerbitzu guztiak egingo ditu, bestelako ordainik gabe, lan-bilera eta informazio-bileratara joatea barne.

Gainera, kontratuaren jabeak kontratatutako zerbitzuen inguruan ezagutu ditzakeen datu guztiak isilpean gorde behar ditu, datu horiek konfidentzialak direlako. Kontratuaren jabeak Administrazioari eta eraginda ikusi diren pertsonen kalte-ordainak eman beharko dizkie isiltasun



Usurbilgo Udala

profesionala urratzeagatik sortutako kalteen truke. Kontratua betetzeko izaera pertsonaleko datuak erabili behar baldin baditu, izaera pertsonaleko datuak babesteko indarrean dagoen araubidea beteko du. Kontratatutako zerbitzua bukatu ondoren, datu pertsonalak Udalari itzuliko dizkio.

10.- ESLEIPENDUNAREN LAN-BETEBEHARRAK

Kontratista behartuta dago lan arloan indarrean dauden legezko xedapenak betetzen, Gizarte Segurantzakoak eta laneko segurtasun eta higienekoak, kontratu honetako zerbitzuetan erabiltzen dituen langileei buruz, eta Administrazioa hori bete ez izatearen erantzukizunetik salbuetsita dago.

Usurbilgo Udalak ez du inongo lan-harremanik izango zerbitzuan lanean ari diren langileekiko.

Gainera, esleipendunak bere gain hartuko ditu zerbitzu horiek gaur egun egiten dituzten langileak, beti ere aplikagarri zaien Lan Hitzarmenaren arabera, eta subrogaturik geratuko da aurreko adjudikaziodunak zeuzkan laneko eskubideetan eta obligazioetan, aplikagarri den Lan Hitzarmenak ezarritako baldintzetan. Atxikitako pertsonen datuak **I. ERANSKIN**-ean datoz jasota, langile hauei aplikatzen zaien Lan Hitzarmena eta lan baldintza ekonomikoen inguruko informazioa ere jasoz.

Enpresa kontratistari, eta berari bakarrik, dagokio pertsonala hautatzea kontratua gauzatzeko adskribitutako lan taldea osatzeko, klausulen agiri honetan exijitutako titulazio eta ukanbeharrekin. Edonola ere, entitate kontratatzaileak baldintza horiek betetzen dituela egiaztatzeko ahalmena izango du.

Enpresa kontratugilea ahaleginduko da bere lan taldean egonkortasunari eusten eta taldearen osaketan aldaketarik badago haiek puntualak eta justifikatutako arrazoiengatik izaten, zerbitzuaren funtzionamendu egokiak ez dezan aldaketarik pairatu. Edozein kasutan, beti entitate kontratatzaileari horren berri eman beharko dio.

Enpresa kontratistak bere gain hartzen du betebeharrak bezala, enpresari orori dagokion zuzendaritza ahalmena modu erreal, eraginkor eta etengabean baliatzeko, kontratuaren exekuzioaz arduratzen den lan taldeko pertsonalaren gainean. Bereziki, honako hauek hartuko ditu bere gain: soldaten negoziaketa eta ordainketa, baimenak, lizentziak eta oporrak ematea, ordezkapenak langileen baja edo ez egoteengatik, Gizarte Segurantzako lege betebeharrak, kotizazio eta prestazio ordainketak barne, hala dagokionean, lan arriskuen prebentzioaren alorreko legezko betebeharrak, diziplina ahalaz baliatzea eta, oro har, enpleguaren eta enplegatzailearen arteko kontratu loturak dakartzan eskubide eta betebeharrak guztiak.

11.- KONTRATU-JABEAREN ERANTZUKIZUNA, KONTRATUA BETETZEN BESTE BATZUEI ERAGINDAKO KALTEEN AURREAN

Kontratuaren jabea izango da kontratua betetzeko egin beharreko lanen ondorioz beste batzuei eragindako kalteen eta galeren erantzule, Sektore Publikoko Kontratu Legearen Testu Bateginaren 214. artikuluan xedatutakoari jarraiki.



Usurbilgo Udala

Kontratua betetzean, esleipendunak bere jardueragatik eragindako kalteei erantzuteko aseguruua eduki beharko du, gutxienez **300.000 eurokoa**, gerta litezkeen kalte guztiak bere gain hartzeko. Baldintza hau frogatzeko, jatorrizko poliza eta primen ordainagiriak edo aseguru-etxearen ziurtagiria aurkeztu beharko du. Baldintza honetan ezarritako eskakizunak ez egiaztatzea kontratua amaitutzat emateko arrazoi izango da, izan ere, Sektore Publikoko Kontratu Legearen Testu Bateginaren 223. artikulua argitaratu, betebeharrak hori funtsezko kontratu-betebeharra da.

12.- KONTRATUA ALDATZEA

Herri onurako arrazoiak direlako Udalak kontratua aldatzea izango du, Sektore Publikoko Kontratu Legearen Testu Bateginaren I. Liburuko V. Tituluan ezarritako kasuetan eta moduan.

13.- HIZKUNTZA IRIZPIDEAK

Hizkuntza-gaitasunari buruz:

Usurbilgo Udalarekin eta hirugarrenekin harremana izango duten neurrian, kontratatutako enpresako langileek Usurbilgo Udalak berak bete behar lituzkeen pareko baldintzak bermatu beharko dituzte, hizkuntza gaitasunei dagokienez; horregatik, eman beharreko zerbitzuen izaera kontuan izanik, Europako Erreferentzia Markoaren B2 gaitasun maila (ahozko parte) egiaztatu beharko dute jardueran parte hartuko duten langileek.

Hizkuntza gaitasuna egiaztatzeko honako bideak erabili ahal izango dira:

- Zerbitzua eman behar duten pertsonen eskatutako hizkuntza gaitasuna daukatela ziurtatzen duen agiria aurkeztea edo,
- Usurbilgo Udalak erabakitako froga egitea (froga honek ez du zerbitzu honetatik at baliozkotasun ofizialik) edo,
- 47/2012 DEKRETUA, apirilaren 3koa, euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagiriaren bidez egiaztatzen salbuesteko denak zehazturiko baldintzak.

Kontratua esleitu aurretik egiaztatu beharko du enpresak zerbitzua emango duten pertsonen badutela eskatutako hizkuntza gaitasuna.

Era berean, enpresa kontratatu eta geroago zerbitzua emango duen pertsona berririk sartuko balitz, horiek ere eskatutako hizkuntza gaitasuna egiaztatu beharko dute.

Zerbitzu hizkuntza, erabilera herritarrekin

Kontratuaren xede den prestazioaren berezko ezaugarriak kontuan hartuta, zerbitzu hizkuntza euskara izango da.

Usurbilgo Udalak onartutako hizkuntza-irizpideei jarraituz, herritarrekin ahozko harremana (lehen hitza, telefonoz, erantzungailuan, aurrez aurrekoan, bozgorailutik, bileretan...) euskaraz egingo da.

Modu berean, era guztietako jakinarazpen eta komunikazio idatziak (inprimakiak, oharra, abisua, ordutegiak, fakturak, txostenak eta bestelako agiriak...) euskaraz egingo dira eta, behar izanez gero, euskaraz eta gaztelaniaz, euskarazkoari lehentasuna emanez.



Usurbilgo Udala

Hala ere, kasu guztietan herritarren hizkuntza eskubideak bermatuko dira.

Hizkuntza paisaia

Errotuluak, oharrak, seinaleak, kartelak eta gisa bereko komunikazio orokorrak euskaraz egingo dira.

Harremanak administrazioarekin

Enpresa adjudikazio-hartzaileak Usurbilgo Udalaren hizkuntz araudiaren arabera jokatu du, kontratuaren xede diren jarduera guztietan; eta beraz, enpresak Udalarekin dituen ahozko zein idatzizko harremanak euskaraz izango dira. Enpresa adjudikazio-hartzaileak udalari aurkeztuko dizkion txosten, gutun, eskaera eta idatzi guztiak euskaraz aurkeztuko ditu. Era berean, udaletik jasotzen diren idatziak (txostenak, gutunak, jakinarazpenak,...) euskaraz jasoko ditu enpresa adjudikazio-hartzaileak.

Jarraipena

Hizkuntza-baldintzen betetze mailaren jarraipena: Usurbilgo Udaleko Kirol zerbitzuak egingo du finkatutako hizkuntza baldintzen betetzearen jarraipena.

14.- AZPIKONTRATATZEA

Ezin izango da zerbitzurik azpikontratatu.

15.- KONTRATUA AMAITZEA

Kontratuaren jabearekin kontratua bete dela iritziko zaio kontratuaren jabeak kontratuaren xedea guztiz betetzen duenean, kontratuko baldintza guztiekin bat etorritik eta Administrazioaren onarpenarekin.

Kontratua amaitutzat joko da kontratua bera edo orriotako baldintzak betetzen ez badira, edo eta Kontratuen Legearen 223. eta 308. artikuluetan adierazitako arrazoiengatik; halaber, kontratua amaitzeak Lege horretako 309. artikuluan aurreikusitako ondorioak izango ditu.

16.- ADMINISTRAZIOAREN ESKUBIDEAK

Udalak, administrazio-kontratugile gisa, eskubide hauek izango ditu:

- Zerbitzua behar bezala emateko komenigarritzat jotzen dituen jarraibideak eta aginduak ematea.
- Lanen kalitatean, kantitatean, denboran edo lekuan aldaketak agintzea, baldin eta interes publikoak horrela eskatzen badu.

Kontratazio organoak, azaroaren 14ko 3/2011 Legegintzako Errege Dekretuak onartutako Sektore Publikoko Kontratuen Legearen Testu Bategineko 210 artikulua arabera, hurrengo eskumen hauek dauzka:



Usurbilgo Udala

- a) Kontratuaren interpretazioa.
- b) Kontratua betetzerakoan egon daitezkeen zalantzak erabakitzea.
- c) Kontratua aldatzea interes publikoko arrazoiengatik.
- d) Kontratua suntsitzea eta horren ondorioak zehaztea. Edozein kasutan, entzunaldia emango zaio kontratistari, eta jarraitu beharko dira azaroaren 14ko 3/2011 Errege Dekretuak onartutako Sektore Publikoetako Kontratuen Legearen Testu Bategineko 211 artikulua aurreikusten dituen tramiteak.

Udalak zerbitzua ikuskatu eta zainduko du horretarako izendatutako pertsonen bitartez.

Kontratua interpretatzeko, aldatzeko, amaitutzat jotzeko edo horren ondorioak zehazteko kontratazio-organismoek hartzen dituzten akordioak berehala betearaziko dira.

II. KONTRATATZEKO JARDUNBIDEA

17. ESLEIPENAREN PROZEDURA

Kontratu honen esleipena prozedura ireki bidez egingo da. Kontratuaren esleipenaren oinarri gisa erabiliko diren eskaintzak balioesteko irizpideak eta esleitzen zaien haztapena honako hauek dira:

a) Diru-eskaintza: gehienez 51 puntu (C gutun-azala)

Diru-eskaintzetan egon daitezkeen gehiegizko jaitsierak SPKLTB-ko 152 eta 1098/2001 Errege Dekretuak onartzen duen Erregelamenduko 85. artikuluan finkaturiko irizpideen arabera baloratuko dira.

- Kirol zerbitzuetako orduko prezioa (BEZ-ik gabe): gehienez 26 puntu

Puntuaziorik handiena emango zaio eskaintza merkeenari eta gainerako eskaintzen puntuazioa ateratzen da formula honetatik: biderkatu batetik eskaintza merke baxuenaren eta lizitazailearen eskaintza baloratuaren arteko zatiduraren emaitza eta bestetik irizpideari aplikatu dakizkiokeen puntuen kopuru osoa. Hau da,

$$PI = Ob/OI \times 26$$

Non-eta:

PI: lizitazailearen puntuazioa

Ob: eskaintzarik txikiena

OI: lizitazailearen eskaintza

- Sorospen zerbitzuko orduko prezioa (BEZ-ik gabe): gehienez 25 puntu

Puntuaziorik handiena emango zaio eskaintza merkeenari eta gainerako eskaintzen puntuazioa ateratzen da formula honetatik: biderkatu batetik eskaintza merke baxuenaren eta lizitazailearen eskaintza baloratuaren arteko zatiduraren emaitza eta bestetik irizpideari aplikatu dakizkiokeen puntuen kopuru osoa. Hau da,



Usurbilgo Udala

PI= Ob/OI x 25

Non-eta:

PI: lizitatzaillearen puntuazioa

Ob: eskaintzarik txikiena

OI: lizitatzaillearen eskaintza

b) Proposamenaren balio teknikoa: gehienez 49 puntu (B gutun-azala)

Kontraturiko bi zerbitzuetan (kirol eta sorospena) aipatu beharreko puntuak honakoak izango dira. Aurkezturiko memoriek jarraian aipaturiko egitura jarraitu beharko dute.

Orri eta orrialde kopuruen barruan aurkibidea salbuetsita dago.

- Zerbitzua emateko aurreikusten den lantaldeari buruz (monitore eta sorosle): (gehienez 18 orrialde edo 9 orri): gehienez 30 puntu.

- (i) antolaketa orokorra (6 puntu)
- (ii) barne-komunikazioa (6 puntu)
- (iii) ordezkapen eta kontratazio berrien kudeaketa (6 puntu)
- (iv) zerbitzuko arduradun figuraren funtzioen definizioa (6 puntu)
- (v) formakuntza plana: (6 puntu).

- Kanpo komunikazioa eta koordinazio (gehienez 6 orrialde edo 3 orri): gehienez 19 puntu

Eragile bakoitzarekiko landuko liratekeen edukiak, moduak eta epeak

- Udalarekiko (7p)
- zerbitzu hauetako erabiltzaileekiko eta herritarrekiko (6p)
- kiroldegiko beste enpresekiko (6p)

18. KONTRATAZIO MAHAIA

Kontratazio Mahai Iraunkorreko kide hauek osatuko dute:

1. Xabier Arregi Iparragirre, Alkatea, Mahaiko Lehendakari gisa
2. Iñaki Ugarte Agirre, Arloko Zinegotzia, Bokal gisa
3. Garazi Etxeberria San Miguel, Udal Idazkaria, Bokal gisa
4. Karmele Lizaso Ubera, Udal Kontuhartzailea, Bokal gisa
5. Amaia Zabaleta Hidalgo, Zerbitzuetako burua, Bokal gisa
6. Olatz De Miguel Arnaiz, Kontratazio eta Pertsonal Teknikaria, Mahaiko idazkari gisa

19. KONTRATATZEKO GAITASUNA

Kontratazio prozedura honetan parte hartu ahal izango dute jarduteko ahalmen eta gaitasun juridiko osoaren jabe diren eta kaudimen ekonomiko, finantzario eta tekniko edo profesionala egiaztatzen duten pertsona fisiko zein juridikoek, baldin eta Sektore Publikoko Kontratuen



Usurbilgo Udala

Legearen Testu Bateginaren 60. artikulua xedatzen dituen debeku kasuetan sartuta ez badaude. Kaudimena 23. klausulan ezarritako baliabideen arabera egiaztatuko eta ebaluatuko da.

Halaber, beren kabuz edo baimendutako ordezkarien bitartez parte hartu ahal izango dute, horretarako emandako ahalaren bidez. Kontratatzeko aipatu diren ezintasun kausek eragiten diote ordezkariari.

Gainera, lizitatuzaileen helburua izango da kontratu honen xedearekin zuzeneko harremana duten jarduerak egitea, eta hori gauzatzeko, giza baliabideak eta beharrezkotzat jotzen diren baliabide materialak izan beharko dituzte.

20. ESKAINTZAK AURKEZTEKO LEKUA ETA EPEA

Kontratazio honen espedientea honako lekuan, ordutegian eta epean aztertu ahal izango da:

LEKUA: Usurbilgo Udaleko Erregistroa. Joxe Martin Sagardia plaza z.g. Usurbil

ORDUTEGIA: 8etatik 14:30etara

EPEA: lizitazio honen iragarkia Gipuzkoako Aldizkari Ofizialean argitaratu eta hurrengo egunetik zenbatzen hasita 20 egun balioduneko epean.

Gainera, eskaintza hau kontratazio-organoaren kontratatuzailearen profilean argitaratuko da honako atari informatiko edo webgunean: www.usurbil.eus

Eskaintzak arreta publikorako zehazturiko leku eta ordutegian aurkeztuko dira, lizitazio iragarkia Gipuzkoako Aldizkari Ofizialean eta Kontratatuzailearen Profilean argitaratu eta **20 egun balioduneko epean**, hurrengo egunetik kontatzen hasita.

Proposamenak posta, telefax edo bitarteko elektronikoko, informatiko edo telematikoen bidez aurkeztu ahal izango dira, azaroaren 26ko 30/1992 Legeko 38.4 artikuluan xedatutako edozein lekuetan.

Proposamenak postaz bidaliz gero, enpresariak bidalketa data frogatu ahal izango du Posta bulegoan, eta kontratazio organoari eskaintzaren igorpena jakinarazi beharko dio telex, fax edo telegrama bidez egun berean, espediente zenbakia, kontratuaren objektuaren izenburu osoa eta lizitatuzailearen izena idatziz jasoz.

Aipaturiko telex, fax edo telegrama jaso izanaren egiaztapena udal Idazkariak luzaturiko dilijentzia bidez egingo da. Lizitazio iragarkian zehazturiko epea amaitu ondoren kontratazio organuak proposamenen bat jasoko balu bi ukanbehar horiek bete gabe ez da proposamen hori onartuko. Edonola ere, epe horretatik 10 egun igarota aipaturiko agiriak ez balira jasoko hau ere ez da onartuko.

Bitarteko elektronikoko, informatiko eta telematikoen erabilerak gainera azaroaren 14ko 3/2011 Errege Dekretu Legegileak onarturiko Sektore Publikoko Kontratu Legearen Testu Bateginak bere hamaseigarren xedapen gehigarrian zehazturiko ukanbeharrak bete beharko ditu.

Lizitatuzaile bakoitzak ezin izango du proposamen bat baino gehiago aurkeztu. Ezin izango du, halaber, aldi baterako enpresa proposamenik aurkeztu banako gisa eskaintzarik aurkeztu duen



Usurbilgo Udala

kasuetan edo aldi baterako enpresa bat baino gehiagotan egonez gero. Arau hauen urraketak berak aurkezturiko eskaintza guztiak ez onartzea eragingo du.

Eskaintza aurkezteak plegu honetako klausulak baldintzarik gabe onartzea dakar.

21. ESKAINTZAK AURKEZTEKO MODUA

Lizitazioan parte hartzeko eskaintzak itxitako 3 gutun-azaletan aurkeztuko dira, lizitatuak sinaturik eta jakinarazpenetarako helbidea zehaztuz. Halaber, gutun-azalaren izendapena eta honako aipamena jasoko da: "USURBILGO OIARDO KIROLDEGIAN KIROL JARDUERA FISIKOAREN ETA UR SOROSPEN ZERBITZUA LEHIAKETA BIDEZ KONTRATATZEKO PROZEDURAN PARTE HARTZEKO PROPOSAMENA".

Gutun-azalen izendapena honako hau da:

- «A» gutun-azala: Agiri Administratiboak.
- «B» gutun-azala: Balore judizio baten arabera balorapenerako agiriak.
- «C» gutun-azala: Eskaintza Ekonomikoa.

Gutun-azal bakoitzean enpresaren izena eta proposamenaren sinatzailearen izen-abizenak idatziko dira, noren izenean sinatzen duen zehaztuz. Hiru gutun-azalak sinaturik egon behar dute.

Gutun-azal bakoitzean sartu beharreko agiriak originalak edo legeztaturikoak izan beharko dute, indarrean dagoen legediarekin bat.

Gutun-azal bakoitzaren barruan hurrengo agiriak eta hauen zerrenda zenbakitua sartuko dira:

"A" GUTUN-AZALA AGIRI ADMINISTRATIBOAK

a) Lizitatuaren Ardurapeko Aitorpena, Administrazioarekin kontratatzeke lege ezarritako baldintzak betetzearena.

Honako eredu honen arabera aurkeztuko da:

ARDURAPEKO AITORPEN EREDUA

*Izena:.....Helbidea: NA zk., telefonoa..
....., Gaitasun juridikoa eta jarduteko gaitasunaren jabe dela, bere izenean (edo
.....ren ordez, helbidea
..... eta NA edo IFK
(persona fisikoa edo juridikoa izan), USURBILGO OIARDO
KIROLDEGIAN KIROL JARDUERA FISIKOAREN ETA UR SOROSPEN ZERBITZUA
kontratatzeke Usurbilgo Udalak deitutako prozedura irekia ezagutu eta*



Usurbilgo Udala

BERE ERANTZUNKIZUPEAN HONAKO HAU AITORTZEN DU:

LEHENENGO. Lizitatzailleak Administrazioarekin kontratatzeke legalki eskatzen diren baldintzak betetzen dituela eta esleipedun izatea proposatuko balitz, kontratazio organoaren aurrean dagokion dokumentazioa aurkeztuko lukeela, esleipenaren aurretik, eskatzen diren dokumentuak dituela eta balekoak direla egiaztatzearen, 3/2011 E.D. Legegilearen 146 artikulua dionari jarraiki. Horrela, esleipenaren aurretik, pertsonalitate juridikoa, ordezkari, bere kasuan sailkapena/kaudimena eta Ogasunarekiko eta Gizarte Segurantzarekiko zorrik ez izateari buruzko dokumentazioa, eta oinarritan eskatzen den beste edozein aurkeztu beharko duela.

BIGARRENIK. Jakinarazpenak egiteko helbide elektronikoa honako hau dela:.....

Eta horrela jasota geratu dadin, honako aitortpen hau sinatzen dut.

....., 2016eko aren(a)

Izenpea

“B” GUTUN-AZALA

BALORE JUDIZIO BATEN ARABERA BALORATU BEHARREKO AGIRIAK

Balore judizio baten arabera baloratu beharreko irizpideei dagozkien agiriak barne hartuko ditu.

“C” GUTUN-AZALA

ESKAITZA EKONOMIKOA

Honako eredu honen arabera aurkeztuko da:

Izen-

abizenak.....Helbidea

..... Posta kodea, NAN zenbakia

Telefonoa, Ordezkararen datuak (ordezkaririk egonez gero): Izen-

abizenak NAN edo IFK zenbakia (pertsona fisiko edo juridikoa

denaren arabera), USURBILGO OIARDO KIROLDEGIAN KIROL JARDUERA FISIKOAREN ETA

UR SOROSPEN ZERBITZUA kontratatzeke prozedura irekiko espediente ezaguturik, adierazten

dut kontratuaren oinarri den Plegua ezagutzen dudala eta osoki onartzen dudala, lizitazioan parte

hartuz eta kontratuaren edukia burutuz honako prezio hauetan:

-Kirol zerbitzua:..... euro/orduko eta % Balio Erantsiaren Zergari
dagokion euro, guztira euro, BEZ barne.

-Sorospen zerbitzua:..... euro/orduko eta % Balio Erantsiaren Zergari
dagokion euro, guztira euro, BEZ barne.



Usurbilgo Udala

....., 2016ko aren(a)

Izenpea

22. AGIRIAK KALIFIKATZEA

Kontratazio Mahaia osatuko da eta "A" gutun-azala ireki eta bertan jasoriko agiri administratiboak kalifikatuko ditu. Beharrezkoa izanez gero, Mahaiak gehienez ere hiru eguneko epea emango du lizitatzailleak aurkezturiko agirietan ikusi diren akats edo hutsegiteak zuzendu ahal izateko.

Ondoren, judizio balore baten arabera irizpideak jasotzen dituen "B" gutun-azalak ireki eta aztertuko ditu. Proposamen horien irakurketaren ondoren, Mahaiak behar beste txosten tekniko eskatu ahal izango ditu, Pleguetan ezarritako irizpideen eta ponderazioen arabera balorapena egin ahal izateko.

Berriz ere Kontratazio Mahaia bildurik, judizio balore baten arabera irizpideen ponderazioa ezagutaraziko da. Ondoren "C" gutun-azalak irekiko dira.

Judizio balore baten arabera diren irizpideen balorapenaren (B gutun azala) eta ponderazio automatikokoak diren irizpideen (C gutun-azala) balorapenaren ondoren, Kontratazio Mahaiak ekonomikoki onuragarriena aurkeztu duen lizitatzaillea proposatuko du.

23. AGIRIEN ESKAERA

Kontratazio-organuak ekonomikoki onuragarriena aurkeztu duen lizitatzailleari eskatuko dio errekerimendua jaso eta hurrengo egunetik kontaktzen hasita HAMAR EGUN HABILETAKO epean aurkeztu ditzan Sektore Publikoko Legearen Testu Bategineko 146.1 artikulua zehazten dituen aurretiazko ukanbeharrak betetzen dituela ziurtatzen dituen agiriak (originalak edo kopia konpultsatuak) eta dagokion behin-betiko bermea ezarri izana.

a) Enpresaburuaren nortasun juridikoa egiaztatzen duten agiriak:

- Nortasun Agiri Nazionala, lizitatzailleak bere izenean jardunez gero.
- Beste pertsona edo entitate bat ordezkatzuz jardunez gero, Nortasun Agiri Nazionala eta ahalordetze eskritura.
- Lizitatzaillea pertsona juridiko bat denean, eraketaren edo aldaketaren eskritura, hala badagokio, Merkataritza Erregistroan behar bezala inskribatua, eta identifikazio fiskaleko zenbakia, aplikagarri zaion merkataritza legediaren arabera inskribatuta egon behar badu. Inskribatuta egon behar ez badu, jarduteko gaitasuna egiaztatzeko, eraketa eskritura edo agiria, estatutuak edo fundazio egintza aurkeztu beharko da. Agiri horietan jardueraren arauak agertu beharko dute, beharrezkoa bada dagokion erregistro ofizialean inskribatuta. Europako Batasuneko estatu kideetako enpresaburu ez espainiarrek lanbide edo merkataritza erregistroan inskribatuta daudela



Usurbilgo Udala

egiaztatu behar dute, dena delako estatuko legediak baldintza hori eskatzen badu.

– Hainbat enpresaburuk aldi baterako enpresa elkarte bat eratu eta lizitaziora jotzen badute, taldekide bakoitzak jarduteko gaitasuna eta kaudimena egiaztatu beharko ditu aurreko puntuetan ezarritakoaren arabera, eta, halaber, aldi baterako enpresa elkartearen eratzeko konpromisoa ekarriko du, adjudikaziodun suertatuz gero. Era berean, proposamenean adieraziko dute aldi baterako enpresa elkarteko kide bakoitzak kontratuaren zein zati egingo lukeen, kide guztien kaudimen baldintzak zehaztu eta egiaztatzeko.

b) Erantzukizunpeko berariazko adierazpena, Sektore Publikoko Kontratuaren Legearen Testu Bateginaren 60. artikuluan aipatzen diren kontratu debekuetako batean ere ez dagoela adierazten duena.

c) Indarrean dauden xedapenek ezarritako zerga obligazioak eta gizarte segurantzarekikoak betetzen dituela frogatzen duten agiriak.

d) Kaudimen ekonomikoa eta finantzaketakoa egiaztatzen du(t)en agiria edo agiriak;

- Urteko negozio bolumena, edota negozioen urteko bolumena, kontratuak hartzen duen eremuan: urtean gutxienez 170.000 euroko fakturazioa

e) Kaudimen teknikoaren edo profesionalaren ziurtagiria. Agiri hauek aurkeztuz:

- Azken bost urteetan kirol jarduera fisikoko eta ur sorospen zerbitzuen kudeaketan emandako zerbitzuak, eta adieraziko dituzte haien zenbatekoa, urteko ordu kopurua eta destino publikoa edo pribatua, eta horiek gehituko zaizkie horiei buruzko ziurtagiriak. Azken bost urteetan gutxienez lizitazio honen kopuruan antzeko 3 zerbitzu (bai kirol jarduera eta baita ur sorospenean ere, bietan) eman dituztenek ulertuko da kaudimena dutela.

- Lantaldearen titulazioa

- Ikastaroen eduki pedagogikoak bermatzeko arduradunak (3 hauetakoren bat):

* Jarduera Fisikoen eta Kirolaren Zientzietan lizentziaduna edo gradua

* Soin Hezkuntzako lizentziaduna edo gradua

* Magisteritzako diplomatua edo gradua

- Ikastaro bakoitzeko irakasleak:

* Dagokion federazioak edo erakundeak emandako monitore edo begirale titulua.

* **Salbuespen gisa, eta bakar-bakarrik administrazio pleguetan aurreikusten diren langileak subrogatzea derrigorrezkoa balitz, zerbitzua eman ahal izango dute aurretik aipatutako titulazioa ez dutenek, baina eman izan duten ikastaroko monitore agiria izan eta zerbitzu horiek baldintza agiri hau onartu baino lehen eman dituztenek.**

- Sorospen zerbitzurako:

*Eusko Jaurlaritzako Osasun Sailak igerilekuetarako onartutako sorospen titulazioa edo homologatua izan beharko dute, indarrean dagoen legediak eskatzen duen aldiro eguneratua.



Usurbilgo Udala

f) Atzerriko enpresek, kontratuan zuzenean edo zeharka sortzen diren gorabehera guztietarako, mota guztietako auzitegi eta epaitegi espainiarren eskumenei men egingo dietela dioen aitordpena aurkeztu beharko dute, eta, behar izanez gero, lizitatzailleari dagokion atzerriko eskumen foruari uko egingo dietela adieraziko dute.

g) Aseguru Poliza.

h) Langileek plegu administratibo eta teknikoetan zein lizitatzaillearen eskaintzan zehazturiko ukanbehar eta ezaugarriak betetzen dituztenaren titulu eta ziurtagiriak (langile zerrenda, hizkuntz eskakizuna, formazioa,...).

Euskal Autonomia Erkidegoko Kontratuen eta Kontratisten Erregistroak onartzen dituen otsailaren 3ko 12/1998 Dekretuak arautzen duen Sailkatutako Enpresen erregistro ofizialean izena emanda dauden lizitatzailleek ziurtagiriaren kopia konpultsatua aurkeztu ahal izango dute, 23.a), 23.b) eta 23.c) ataletan eskatzen diren agirien orde; ziurtagiria erregistroko letratu arduradunak egingo du.

Jatorrizko agiriak edo kopiak aurkez daitezke. **Kopiak aurkeztekotan, aurretik Administrazioak edo notarioak behar bezala kautotu edo egiaztatu behar ditu.**

Administrazioarekin kontratatzeko eskaturiko gaitasun eta kaudimen baldintzak ematen direla aintzat hartzeko unea proposamenak aurkezteko epearen amaiera unea izango da.

24. BEHIN BETIKO BERMEA

Ekonomikoki abantaila gehien dituen proposamena aurkeztu duen lizitatzailleak esleipen kopuruaren %5eko bermea eratu izana ziurtatu beharko du, Balio Erantsiaren Zerga kendurik.

Bermea ez da itzuli edo deuseztatuko berme epea amaitu eta kontratua modu egokian gauzatu arte.

Berme honek Sektore Publikoko Kontratu Legearen Testu Bategineko 100. artikulua jasotako kontzeptuengatik erantzungo du, kontratua amaitzetik hilabete bateko epean.

Garantia epean kontratistaren kargu joango liriateke lanetan eta egindako prestazio guztietan ager daitezkeen akats eta ikusiezinezko akats guztiak. Epea igarotzen bada Administrazioak ezelako eragozpenik jarri barik, kontratistaren erantzukizuna amaitu egingo da.

25. KONTRATUAREN ESLEIPENA

Eskaturiko agiriak jaso ondoren, kontratazio organoak kontratua esleituko du. Esleipena hautagai edo lizitatzaille guztiei jakinaraziko zaie, eta aldi berean, Kontratatzaillearen Profilean argitaratuko da.



Usurbilgo Udala

Jakinarazpena hartzaileak jaso izana ziurtatzen duten edozein bitartekoren bidez egin ahal izango da. Bereziki, lizitatzailerik edo hautagaiek haien proposamenetan zehazturiko helbide elektronikora bidali ahal izango da, ekainaren 22ko 11/2007 Zerbitzu Publikoetarako Hiritarren Sarbide Elektronikoko Legeko 28. artikulua araberak. Jakinarazpena ukatutzat hartzeko epea 10 egun naturalekoa izango da, azaroaren 26ko 30/1992 Legeko 59.4 artikulua ondo ondo.

26. KONTRATUAREN FORMALIZAZIOA

Kontratuaren formalizazioa administrazio-agiri gisa esleipenaren jakinarazpena jaso eta hamabost egun balioduneko epean egingo da eta aipatu agiria nahikoa izango da edozein erregistro publikotan sartzeko. Hala ere, kontratistak kontratua publikoki aurkezteko eskaera egin dezake eta horri dagozkion gastuak bere kontura izango dira.

27. HUTSEGITEAK

Arinak

- a.- Atzeratzea kontratista bere obligazioak bete behar dituen.
- b.- Udalak emandako jarraibideetan desobedientzia arinak.
- c.- Gabezia arinak zerbitzua ematean, lekua behar bezala izatean, lokalak eta tresnak garbi izatean eta eraikinak eta altzariak erabiltzean.
- d.- Erabiltzaileei zor zaien errespeturik eta arretarik ez izatea.
- e.- Eskatutako datuak eta azterketan ematean, atzeratu edo akatsak izatea, enpresa egotz dakizkiokeenak.
- f.- Hainbat arrazoi dela-eta zerbitzuan gerta litezkeen aldaeren komunikazio falta.
- g.- Udalak emandako aginduak betetzean atzeratzea, beti ere atzeratze hori 24 orduko gorakoa ez bada, eta hala bada, hutsegite larritzat hartuko litzateke hutsegitea.
- h.- Erabiltzaileekin gizalegez ez jokatzeko.

Larriak

- a.- Hutsegite arinak behin eta berriro egitea.
- b.- Bere langilearen portaeraren kontroleko enpresa egitekoan zabarkeriaz jokatzeko, erabiltzaile buri nahiz udal araudia zorrotz betetze buri, eta bereziki kontratu hau arautzen dutenak.
- c.- Kontratatzen jardunak eraikinaren balio-galera ekartzen duenean.
- d.- Emandako zerbitzu publikoa behar bezala erabiltzen ez denean.
- e.- Kontratuak helburutzat ez duen jardura bat egitea.
- f.- Jartzen den ordutegia ez betetzea.
- g.- Kontratatzen oinarriko betebeharren arau hauste larria.
- h.- Lanak geldiarazi edo etetea hiru egunean, ezinbesteko arrazoirik ez badago.
- i.- Orrietan adierazitakoez gainera, edozein baldintza ez betetzea kontratistak edo, haren eskaintzan, eta bereziki kontratatzen obligazioak ez betetzea, orri honetan hutsegite arin edo larri-larri moduan tipifikaturik ez daudenak.



Usurbilgo Udala

Oso larriak

- a.- Kontratatutako zerbitzuak ematen ez hastea ezinbesteko kausen ondorioz ez bada.
- b.- Kontratatutako zerbitzuak geldiaraztea edo ez ematea hiru egun baino gehiagoko aldian, ezinbesteko kausen ondorioz ez bada.
- c.- Zerbitzua ematea pertsonen segurtasunari eragiteko moduko baldintzetan, arrisku larria eta zuzenekoa eragiten dutenean.
- d.- Ikuskatze zerbitzuen jarduerari uko egitea edo oztopoak jartzea, haiek ezarrita ditzuten legez edo arauzko egitekoak burutu ditzaten galarazteko.
- e.- Titulaziorik gabe edo lanbide trebetasunik gabe zerbitzu publikoa egitea.
- f.- Zerbitzua bertan behera utzi edo etetea, kontratuaren epea amaitu gabe egonda, Administrazioaren baimenik gabe.
- g.- Kontratu den zerbitzu publikokoak ez diren helburu eta xedeetarako jartzea zerbitzuari adskribatutako materialak, edozein modalitate edo titulupean, aurretik Udalaren baimenik izan gabe.
- h.- Hutsegite larriak behin eta berriro egitea.

28. EZ BETETZEAGATIKO ZIGORRAK

Hutsegiteak dagokion udal organoak honela santzionatuko ditu:

- Hutsegite arinak 200 €tik 750 €tako isunaz zigortuko dira. Kontratua hautsi egingo da urte beraren barruan 15 hutsegite arin eginez gero.
- Hutsegite larriak 751 €tik 1.500 €tako isunaz zigortuko dira. Kontratua hautsi egingo da urte beraren barruan 10 hutsegite larri eginez gero.
- Hutsegite oso larriak 1.501 €tik 3.000 €tako isunaz zigortuko dira eta behin betiko bermea galduko du, eta, kontratua jarraituz gero, kopuru beraz beste bat jarri beharko du esleipendunak.

Hutsegite larri edo oso larrien kasutan, udalak kontratua hautsi ahal izango du.

Santzioez gain, esleipendunak kalte-ordain bat ordaindu beharko dio udalari, eman ez den zerbitzuaren balorazioarengatik, sortutako galerengatik, aplikatu ez diren bitartekoei, e.a.

Ezarritako isunen kopurua eta, bere kasuan, kalte-ordainena, hileroko zerbitzua ordaintzerakoan kitatuko da ziurtagirietatik, edo jarritako bermetik.

28. KONTRATUAREN ARAUBIDE JURIDIKOA

Kontratu honek izaera administratiboa du eta bere prestaketa, esleipena, ondorioak eta iraungitzea plegu honetan jasotakoek zuzenduko dute, eta bertan aurreikusten den ez denerako aplikagarri izango dira azaroaren 14ko 3/2011 Errege Dekretu Legegileak onarturiko Sektore Publikoko Kontratuen Legearen Testu Bategina, maiatzaren 8ko 817/2009 Errege Dekretua eta Administrazio



Usurbilgo Udala

Publikoko Kontratuen Legeko Erregelamendu Orokorra onartzen duen urriaren 12ko 1098/2001 Errege Dekretua, azken hau Sektore Publikoko Kontratuen Legearen Testu Bateginaren aurka ez doan heinean eta 817/2009 Errege Dekretua indarrean sartzean indarreangotasuna duen heinean. Ordezko gisa, zuzenbide administratiboko gainerako arauak aplikatuko dira, eta hauen faltan, zuzenbide probatuko arauak.

Kontratu honetako aldean artean sortu litezkeen eztabaidak ebazteko ardura Administrazioarekiko Auzi-prozesuko Ordena izango da eskuduna, azaroaren 14ko 3/2011 Errege Dekretu Legegileak onarturiko Sektore Publikoko Kontratuen Legearen Testu Bateginaren arabera.

29.- JURISDIKZIO ESKUDUNA

Kontratua interpretatzen, aldatzen, amaitzen edo amaitzearen ondorioak zehazten sor litezkeen gorabeherak kontratazio-organoak erabakiko ditu. Erabaki horiek amaiera emango diote administrazio-bideari eta, horien aurka, administrazioarekiko auzi-errekurtsoa aurkeztu ahal izango da, jurisdikzio hori arautzen duen Legearen arabera. Dena dela, interesdunek berraztertze errekurtsoa aurkezteko aukera dute, Herri Administrazioen Araubide Juridikoaren eta Administrazio Prozedura Erkidearen 30/1992 Legearen 116 eta 117 artikuluetan aurreikusitakoaren arabera.

30.- HELEGITEAK

Kontratazioari buruzko helegite berezia jarri daiteke, 14ko 3/2011 Errege Dekretu Legegileak onarturiko Sektore Publikoko Kontratuen Legearen Testu Bategineko 40.2 artikuluan zehazturiko erabakien aurka eta 44. artikuluko baldintza eta epeetan.

I. ERANSKINA -Subrogatzeko langileak-

NAN	Postua	Kontratu hasiera data	Kontratu mota	Lanaldi mota	%
72443565 M	Kirol teknikari Soroslea	05/09/2005	200	Lanaldi partziala	88,90
72487319 J	Kirol teknikari Soroslea	2003/10/27	200	Lanaldi partziala	84,64
72453766 V	Kirol teknikari Soroslea	2008/08/25	200	Lanaldi partziala	51,21
72508264 M	Soroslea	2007/08/29	200	Lanaldi partziala	25,60
72472963 D	Kirol teknikari	2015/10/05	501	Lanaldi partziala	44,10
72472882 C	Kirol teknikari	2016/02/15	501	Lanaldi partziala	26,47
34085598 N	Kirol teknikari	2015/10/23	501	Lanaldi partziala	8,53
72516121 L	Kirol teknikari	2016/02/02	501	Lanaldi partziala	5,69